


Fylkesmannen i Hordaland, miljøvern- og klimaavdelinga  
Mattilsynet Region Sør og Vest  
Kystverket Vest  
Fiskeridirktoratet Region Vest

Dato: 22.02.2016  
Vår ref.: 2016/1186-9  
Sakshandsamar: Endre Korsøen  
Telefon: 917 64 632

## H-FJ-10 og grønt løyve - Engesund Fiskeoppdrett AS org. nr. 944819967 - Søknad om løyve til utviding av anlegg for oppdrett av matfisk av laks og aure på lokalitet 30196 Ådnekvamme i Masfjorden kommune

Hordaland fylkeskommune sender med dette kopi av komplett søknad motteke 19.02.2016 frå Engesund Fiskeoppdrett AS om løyve til utviding av anlegg for oppdrett av matfisk av laks og aure på lokalitet 30196 Ådnekvamme i Masfjorden kommune.

Selskapet søker om løyve til å plassere anlegget lenger mot sørvest, innanfor akvakulturområde i arealplanen. Anlegget vil bestå av 6 stykk firkantbur (25x25 m) på ei rekke, samt ein forflåte som er tenkt plassert i den nordaustre delen av anlegget. Endra utforming og justert plassering medfører at det vert endringar i fortøyingsarrangementet. Samla overflate areal for anlegget vil vera omlag 6 dekar. Kartet under syner omsøkt arealendring for lokalitet 30196 Ådnekvamme.



Lokalitet 30196 Ådnekvamme er mellombels klarert for ein maksimalt tillaten biomasse på 780 tonn fram til 31.12.2016. Løyve vart gjeve mellombels fordi det var knytt usikkerheit til kor stor produksjon som vil vere på dei 5 lokalitetane, som ligg inne i Masfjorden, i framtida. Fjorden er ein sterkt terskla fjord som på grunn av grunn terskel, smalt innløp og djupt fjordbasseng, har avgrensa resipientkapasitet. Innan 2016 vil

kunnskaps- og erfaringsgrunnlaget vere betra, både med resipientundersøkingar og driftserfaringar frå anlegga.

Verksemdene søkjer om auka maksimalt tillaten biomasse i anlegget frå 780 tonn til 1560 tonn. Ein auke på 780 tonn.

Engesund Fiskeoppdrett AS fekk den 07.09.2015 melding om endeleg tilsegn om grønt løyve i gruppe C i tildelingsrunden 2013. Tilsegnet gjev rett til å søke om lokalitet for ein MTB på 780 tonn. For å oppfylle krava om at løysingane vesentleg reduserer risikoen for påverknad av vill laksefisk som følgje av rømming og for å sikre at dei fastsette grenseverdiane med omsyn til lus vert haldne, gjeld følgjande vilkår ved drifta av dette løyvet:

- Produksjon i lukka flytande betonganlegg fram til fisken veg 400 gram – 1 kg.
- Bruk av oppdretta reinsefisk ved produksjon i ope anlegg.
- Bruk av luseskjørt ved produksjon i ope anlegg.

Grenseverdiane for lus i forskrifta er færre enn 0,1 vaksne holus. Denne grensa skal haldast ved bruk av maksimalt 3 medikamentelle behandlingar per produksjonssyklus. Ved samlokalisering vil vilkåra over også gjelde for det andre løyva på lokaliteten. For ytterlegare detaljar og informasjon viser vi til søknaden.

I kommuneplan for Masfjorden vedteke 31.05.2012 er omsøkt område avsett til akvakultur, og i føresegnene til planen er det høve til å leggje fortøyingar og anker i fleirbruksområde utafor område sett av til akvakultur.

Tiltaket fell inn under vedlegg II i forskrift om konsekvensutgreiingar for tiltak etter sektorlover (FOR 2014-12-19-1758). Søknaden skal då handsamast etter § 3 i forskrifta. Såkalte vedlegg II-tiltak kan berre påleggast «supplerande utgreiingar» dersom det er venta at tiltaket vil få vesentlege verknader som ikkje allereie er gjort greie for i søknaden.

Fylkeskommunen si vurdering er at miljødokumentasjonen i søknaden gir godt nok grunnlag for å vurdere om tiltaket får vesentleg verknad for miljø og samfunn, jf. vedlegg III i forskrifta. Dersom berørte partar meiner tiltaket kan få vesentlege verknader, og desse verknadane ikkje allereie er tilfredsstillande gjort greie for i søknaden, må dette meldast til fylkeskommunen innan 4 veker etter kunngjøring. Vi minner om at det er fagmyndigheitene for dei respektive kriteria i vedlegg III som skal vurdere om dei meiner tiltaket kan få vesentlege verknader innanfor sitt område og eventuelt melde dette inn til fylkeskommunen. Det skal konkretiserast kva forhold som bør utgreiast nærmare.

Hordaland fylkeskommune har send søknaden til Masfjorden kommune for uttale, og offentleg ettersyn. Uttale frå kommunen vedlagt eventuelle merknader frå kunngjeringsa vil bli ettersend.

Ein ber Dykk handsame/vurdere søknaden frå Engesund Fiskeoppdrett AS etter gjeldande særlover/andre interesser og returnera avgjerda/uttalen til vårt kontor. (jf. *Forskrift om samordning og tidsfristar i handsaming av akvakultursøknader § 4*).

Dersom noko er uklart i samband med handsaming av søknaden, ber vi om at De tek kontakt.

Endre Korsøen  
seniorrådgjevar

*Brevet er godkjent elektronisk og har derfor inga underskrift.*

Kopi:  
Engesund Fiskeoppdrett AS